



ILIDŽA

INFORMATIVNI BILTEN OPĆINE ILIDŽA
Ilidža • Maj 2016 • Broj 149




REDOVNA SJEDNICA OPĆINSKOG VIJEĆA

Prosječna građevinska cijena kvadratnog metra 1075 KM

Općinsko vijeće Općine Ilidža na 39. redovnoj sjednici održanoj 26. maja u Multifunkcionalnoj sali donijelo je Odluku o utvrđivanju prosječne konačne građevinske cijene po kvadratnom metru korisne površine. Ovom odlukom utvrđena je prosječna konačna građevinska cijena za 2016. korisne stambene površine u iznosu od 1075,00 KM. Firme koje se bave građevinarstvom i Federalni Zavod za statistiku dostavili su prijedlog cijene gradnje metra kvadratnog, prosjek koji iznosi 1075 KM. Firme koje se bave građevinarstvom i Federalni zavod za statistiku dostavili su prijedlog prosjeka, a Općinsko vijeće smatralo je da je osnovica realna.

Donesena odluka o visini naknade za pogodnost gradskog građevinskog zemljišta

Općinsko vijeće donijelo je i Odluku o visini naknade za pogodnost gradskog građevinskog zemljišta rente na području općine Ilidža za 2016. godinu. Visina naknade za pogodnost gradskog građevinskog zemljišta određuje se po zonama u procentu od konačne prosječne građevinske cijene kvadratnog metra korisne stambene površine koja iznosi 1075 KM i kao fiksni procenat rente i to prva zona 64,50 KM, druga zona 53, 75 KM, treća 43,00 KM, četvrta 32,25 KM, peta zona 21,50 KM i šesta zona 10,75 KM.



Prijedlozi akata o regulisanju imovinsko-pravnih odnosa

Vijeće je usvojilo prijedlog akata o regulisanju imovinsko-pravnih odnosa i to prijedloge rješenja o rješavanju imovinsko-pravnih odnosa u svrhu legalizacije stambenih objekata po zahtjevima Marković Nedima,

Sulejmanagić Ismeta, Mraković Alije i Tutun Naila. Usvojeni su i prijedlozi rješenja o rješavanju imovinsko-pravnih odnosa u svrhu legalizacije stambeno-poslovnih objekata po zahtjevima Čelik Edina i Petrović Borislava.



Informacija o stanju bespravne gradnje u 2015. godini

Vijeće je na sjednici razmatralo i Informaciju o stanju u oblasti bespravne gradnje na području općine Ilidža u 2015. godini. U informaciji su navedeni zakonski propisi kojima je uređen nadzor nad građenjem, organizacija inspekcijских organa, opis stanja u ovoj oblasti sagledan kroz neposredno sprovođenje nadzora od strane urbanističko-građevinske inspekcije. U toku 2015. godine urbanističko-građevinska inspekcija je provela nadzor u 775 predmeta u kojima je vršila kontrolu na terenu. Upravni postupak je vođen u 102 predmeta i to 21 za stambene i stambeno-poslovne objekte, 13 za poslovne i proizvodne objekte i 68 predmeta za pomoćne i ostale objekte za koje su donesena rješenja i zaključci o dozvoli izvršenja. Izvršeno je jedno rješenje prinudnim putem, a 26 su izvršili investitori sami. Pored nadzora nad građenjem, inspekcija je u okviru svoje nadležnosti vršila kontrolu devastiranih objekata i klizišta. Vijeće je informaciju primilo k znanju uz zaključke da se ubuduće u izradi informacije uključe i druge nadležne službe Općine i da informacija sadrži ukupan broj nelegalnih objekata i njihov trenutni status u upravnom postupku, te izdate dozvole za gradnju za sve veće stambeno-poslovne objekte u posmatranom vremenskom periodu.

Imenovani članovi Komije za utvrđivanje i obilježavanje granica katastarskih općina

Na redovnoj sjednici donijeta je i Odluka o imenovanju dodatnih članova Komisije za utvrđivanje i obilježavanje granica katastarskih općina. Komisiju će činiti: Alajbegović Mirsad, Mahmutović Medina, Kereš Irhad, Hodžić Adnan, Tomić Sretko i Tomić Vinko.

Usvojen plan stipendiranja učenika i studenata slabijeg imovnog stanja

Na osnovu Pravilnika o stipendiranju učenika i studenata slabijeg imovnog stanja Općinsko vijeće je na sjednici donijelo Plan stipendiranja učenika u srednjem i studenata u visokoškolskom obrazovanju za školsku 2016/2017. godinu. Ovim planom planirana su budžetska sredstva u ukupnom iznosu od 80.000 KM za stipendiranje 90 učenika i studenata. Stipendirat će se 40 učenika čija stipendija iznosi 75 KM mjesečno i 50 studenata sa po 100 KM mjesečno.



Potpisan Sporazum o utrošku vodnih naknada

Sporazum o utrošku vodnih naknada za rekonstrukciju vodovodne i kanalizacione mreže na području općine Ilidža potpisao je 31. maja ministar za komunalnu privredu i infrastrukturu KS Senad Hasanspahić sa načelnikom Općine Ilidža prof. dr. Senaid Memićem i direktorom KJKP "Vodovod i kanalizacija" Nezirom Hadžićem.

"Za Općinu Ilidža izdvojena su sredstva u iznosu od 663.200 KM, od čega će 450.000 KM biti utrošeno za rekonstrukciju 1.110 metara vodovodne mreže u Hrasnici, koja je devastirana i zastarjela", istakao je načelnik Memić te dodao kako je preostalih 213.200 KM planirano za izgradnju kućnih priključaka na novoizgrađenoj vodovodnoj mreži u naselju Rakovica.

Na području općine Ilidža se pod hitno mora početi rješavati pitanje vodosnabdijevanja i izgradnje kanalizacione mreže.

Izgradit ćemo rezervoare i već smo u pregovorima sa Republikom Srpskom da njima damo svoj rezervoar, kako bi naš dio stanovništva iz Jasena i Šerifića koji nema kvalitetnu vodu priključivanjem na njihove rezervoare to dobio. Isto planiramo da uradimo i sa dijelom Kotorca, čime prelazimo i entitetske granice, a sve s ciljem poboljšanja kvaliteta života naših građana", izjavio je načelnik Memić.



Projekt rekonstrukcije vodovodne i kanalizacione mreže izvodit će "Vodovod i kanalizacija" u skladu sa svojim projektnim rješenjima.

"Vlada Kantona Sarajevo je za vodne naknade izdvojila 3.600.000 KM kako bi krenula sa rekonstrukcijom vodovodnog sistema koji je u vrlo lošem stanju. Iznos koji je obezbijeden za općinu Ilidža je značajan, jer će omogućiti da se uradi rekonstrukcija cjevovoda koji datira još iz 1920. godine, i to u ulicama: dr Halid - bega Hrasnice, Izeta Musića, Šehitluci i Put Famosa", kazao je direktor Hadžić.

Uručeni ugovori za (su)finansiranje projekata iz oblasti sporta, kulture i obrazovanja

Načelnik Općine Ilidža prof. dr. Senaid Memić 17. maja 2016. godine uručio je ugovore za (su)finansiranje projekata iz oblasti sporta, kulture i obrazovanja iz budžeta Općine za 2016. godinu. Na osnovu definisanih kriterija za dodjelu sredstava iz budžeta na javni poziv mogla su aplicirati udruženja, klubovi i sportska društva registrovana u BiH, sa sjedištem na području općine Ilidža ili na području druge općine, pod uslovom da se projekat realizuje u interesu građana općine Ilidža i u potpunosti na području općine Ilidža. Na raspisani javni poziv prijavilo se 86 aplikacija sa 117 projektnih prijedloga. Na prijedlog Komisije za odabir projekata koja je izvršila ocjenu projekata općinski načelnik je donio odluku o (su)finansiranju 53 projekata za koje je iz budžeta Općine Ilidža izdvojeno 70.000 KM. Odobrena su sredstva za 18 projekata iz oblasti sporta u iznosu od 20.000 KM, kulture 30.000 KM za 16 projekata i 20.000 KM za 19 projekata iz obrazovanja.



Počeli radovi na izgradnji nove saobraćajne trake u Otesu

Mještanima ilidžanskih naselja Otes i Pejton uskoro će biti olakšana vožnja prema centru grada.

Uskoro će se smanjiti saobraćajne gužve, jer će novu traku koristiti vozači iz ovih naselja koji idu u pravcu grada, te će na taj način izbjeći vožnju kroz Ilidžu.

U toku su radovi na izgradnji nove saobraćajne trake kod potputnjaka na samom izlazu iz Otesa i ulazu u naselje Pejton.

Izgradnjom nove trake kod ulica Barska i Bosanskih gazija, dobit će se priključak na postojeće saobraćajnice u ovom naselju na zapadni prilaz gradu.

"To će značiti da će se u velikoj mjeri smanjiti saobraćajne gužve na Ilidži, jer će novu saobraćajnu traku koristiti vozači iz naselja Otes i Pejton koji idu u pravcu grada, te će na taj način izbjeći vožnju kroz Ilidžu" rekao je Mirsad Čaušević pomoćnik načelnika za investicije.

Planirano je da radovi budu završeni do kraja oktobra, ali su iz preduzeća Euro-Asfalt istakli da će radovi, ako se sve bude odvijalo planiranom dinamikom, biti završeni i prije roka.





Završeno deminiranje trase žičare na Golom brdu

Na lokalitetu trase žičare na Golom brdu-Vrelo Bosne završeno je deminiranje u površini od 66.093 kvadratna metra koje je finansirala Općina Ilidža iz budžeta u iznosu od 70.000 KM. Izvođač radova je bila firma Stop-Mine, a primopredaja deminiranog prostora obavljena je 20. maja 2016. godine. Deminiranje je trajalo 45 dana i pronađeno je 11 protivpješadijskih mina.



Srednjoškolci jedan dan volontirali u Općini Ilidža

Deset učenika Srednje tehničke škole grafičkih tehnologija, dizajna i multimedije Ilidža jedan dan umjesto nastave radili su volonterski u Općini Ilidža. Ove aktivnosti se provode u okviru projekta Udruženja Infohouse „VOLONTIRAJ-KREDITIRAJ“, koje devetu godinu organizuje Socijalni dan-dan kada poslodavci zapošljavaju srednjoškolce na jedan dan. Glavni cilj projekta je jačanje kapaciteta mladih, promovisanje vrijednosti zajedničkog rada, solidarnosti, volonterizma i poboljšanja statusa mladih u cjelini. Dnevnica za Socijalni dan iznosi 20 KM koja se uplaćuje u fond za projekte koji je namijenjen mladim. Općina Ilidža uplatila je 200 KM na ime podrške za realizaciju ovog projekta.



Započela asfaltiranja

Na području općine Ilidža započeli su radovi asfaltiranja ulica, a samo za četiri ulice koje se trenutno rade Općina je izdvojila 379.000 KM.

Ulica Mustafe Pintola u MZ Centar dobit će novi asfalt u dužini 210 metara i širini šest metara. Investitor je Općina Ilidža u iznosu 107.000 KM, a izvođač radova je firma Sarajevo putevi d.d Sarajevo.



Otvorenjem CM-a šest novih radnih mjesta za naše građane

Ispred platoa Kulturno-sportskog centra Ilidža u ulici Mala aleja 67 a, 20. maja 2016. godine svečano je otvorena poslovnica Cosmetic Marketa (CM).

Poslovnicu je presijecanjem vrpce svečano otvorila uposlenica Arnela Gibanica.

Otvaranjem ove poslovnice CM je obezbijedio šest novih radnih mjesta. Poslovnica CM-a obiluje kvalitetnim asortimanom renomiranih svjetskih proizvođača.



Ilidžanski osnovci devetu godinu zaredom u Memorijalnom centru Potočari

U organizaciji Općine Ilidža i ove godine, devete po redu, u cilju odavanja počasti žrtvama genocida i suosjećanja sa onima koji su izgubili svoje najmilije, 28. maja 2016. godine organizovana je jednodnevna posjeta Memorijalnom centru Potočari, Srebrenica. Kolona od 13 autobusa u pratnji automobila Federalne uprave policije i ambulantnih kola udruženja „Paramedic“ u ranim jutarnjim satima uputila se prema Srebrenici. Učenici, njih 658 u pratnji nastavnika stigli su na nešto manje od četiri sata vožnje u Potočare, simbol patnje i simbol stradanja. Potočare, mjesto najveće tragedije koja se dogodila na tlu Evrope nakon Drugog svjetskog rata, u kojem je ubijeno više od osam hiljada Bošnjaka, mahom muškaraca i dječaka.

Na kratkom historijskom času predavač Azir Osmanović, koji je preživio genocid ispričao je ilidžanskim osnovcima događaje koji su se dešavali na ovom tlu, a koji je ljudskom razumu nepoznati. I pored godina bola, tuge i traganja za onim najmilijim što otrgnuše iz naručja onih čija sjećanja i ispovijesti danas razaraju dušu slušalaca, ovi ljudi stoje uspravno i ponosno i pričaju historiju, žele da svjedoče da se ne zaboravi da se prenosi s uha na uho, a ilidžanski osnovci su slušali sagnute glave, pitajući se kakvi su to ljudi mogli da urade. Kakvi ljudi ubiše tolike očeve, braću i sinove, a majke, sestre, supruge i kćerke i dan danas traže kosti svoje djece, braće, muževa i očeva razbacanih po bosanskoj zemlji.

„Majke, sestre i supruge, mole Boga da ih pronađu, pa da ih dostojanstveno pokopaju u njihovoj Srebrenici. Samo one znaju šta znači čekati, nadati se, tumarati utabanim stazama, osvrćući se ne bi li vidjele koju košćicu svojih najmilijih. Samo one znaju, najbolje jedna drugu razumiju, kako je bolno stajati nad otvorenom jamom i čekati kostur da ga izljube. Zato djeco zapamtite ono što ne možete čuti u školi u 20 vijeku u srcu Evrope učinjen je genocid, koji odnese 11.000 nevinih žrtava, a zločinci, šetkaju se na slobodi” rekao je na historijskom času predavač čije riječi nisu nijedno dijete ostavili ravnodušnim.

„Ovdje što se dogodilo vašim vršnjacima ne ponovilo se nikad nikome na planeti zemlji“ poručio je Osmanović.

Muk tišine u Potočarima govori više od riječi. Normalnom ljudskom biću je neshvatljiva mržnja koja je rezultirala višednevnom pokolju, samo zato jer su se drugačije zvali.

U hali prijeratne tvornice akumulatora prikazan je dokumentarni film o stradanju nevinih ljudi. Osnovci učenici sedmih razreda tokom prikazivanja filma osjetili su patnju ovog naroda i ono što zvjerski um može uraditi. Suze i tišina koja je bila prisutna tokom prikazivanja filma, govori da su djeca najiskrenija bića i da njihov smijeh, igra i druženje može na trenutak se zaustaviti jer nije primjereno. I to da ih niko ne opomene.

„Prvi put sam ovdje. Osjećam neku bol. Hvala Općini Ilidža koja mi je omogućila da dođem ovdje da vidim jer sam imala priliku samo da čujem na televiziji. I nekako trebamo reći da ovo sto čuli smo treba nam biti opomena da se više nikom nikad ovo ne desi” rekla nam je učenica Ajna Bukva, učenica sedmog razreda Druge osnovne škole.

Ilidžanski osnovci iz svih 11 škola su donirali novčana sredstva za učenike u Konjević-polje a sredstva su uručili predstavnici Vijeća roditelja.

Za ovaj projekat iz budžeta općine izdvojeno je 12.000KM. Općina Ilidža će u saradnji sa osnovnim školama i ubuduće nastaviti ovaj humani i edukativni projekat kojeg je u periodu od 2008. do 2016. godine posjetilo 6.000 osnovaca, koji su imali priliku posjetiti Potočare, vidjeti i čuti priče koji su preživjeli zločine planetarnih razmjera.





Obilježen Dan logoraša općine Ilidža

Polaganjem cvijeća ispred spomen-ploče na Srednjoj tehničkoj školi, grafičkih tehnologija, dizajna i multi-medije, 12. maja 2016. godine, obilježen je Dan logoraša općine Ilidža pod nazivom „Da se ne zaboravi i ne ponovi“. Cvijeće su položili delegacije Saveza logoraša Kantona Sarajevo, te udruženja logoraša općina Ilidža, Ilijaš, Novi Grad, udruženja Antifašista boraca NOR-a Ilidža i boračka udruženja Ilidže. Mnogobrojnim prisutnim obratio se predsjednik Udruženja logoraša Općine Ilidža Enes Dželimović koji je poručio predstavnicima vlasti da je potrebna veća moralna i materijalna potpora ovoj kategoriji društva koja još uvijek nema svoj zakonski okvir, kojim bi riješila svoja statusna prava, te istakao da je na području općine tokom agresije bilo osam logora u kojima su nevini ljudi zvjerski mučeni i ubijani, a počinioci ovih zlodjela još nisu otkriveni i procesuirani.

Jedan od preživjelih koji je prošao pakao ilidžanskih logora je i Fadil Ramusović. Prisjećajući se tih teških trenutaka kazao je: „U četničkom logoru na Ilidži bio sam zatočen 40 dana bez hrane, pića, uz svakodnevno zlostavljanje kako fizičko tako i psihičko. Tuširali su nas vrelom pa onda hladnom vodom, nakon čega sam razmijenjen. Bili su to moji najduži i najteži dani u životu. Mi smo jedina kategorija koja nema zakon kojim bi regulisali svoja prava“. Među preživjelim logorašima bio je prisutan i načelnik Općine Ilidža prof. dr. Senaid Memić koji je i sam bio zarobljen i prošao pakao zatvora na Palama.

„I sam sam bio zarobljen i preživio sve što ste i vi prošli i ova manifestacija je radi vas koji ste doživjeli najveća poniženja koja čovjek može doživjeti. Moramo biti jaki i stameni da pomazemo jedni druge, da budemo ljudi kako nam se ovo zlo nebi ponovilo“, kazao je Memić. Prigodan program izveli su učenici ilidžanske Prve osnovne škole i Udruženja „Bašlija“.

Nekadašnja vojna policija proslavila svoj dan

Peta podružnica vojne policije Četvrtе viteške motorizovane brigade 25. maja obilježila je svoj dan. Polaganjem cvijeća, učenjem Fatihе na šehidska mezarja u Butmiru i Hrasnici-Kovači i kod centralnog spomen obilježja ispred Općine, odata je počast svim šehidima i poginulim borcima ove brigade.

Cilj manifestacije jeste evociranje uspomena i čuvanje od zaborava, rekao nam je Fikret Delić, nekadašnji ratni komadir čete vojne policije.

Obilježena godišnjica bitaka za Stojčevac

U organizaciji Udruženja 2. motorizovani bataljon Četvrtе viteške motorizovane brigade i Općine Ilidža u prisustvu boraca, članova porodica šehida i poginulih boraca, predstavnika Općine, učenika i brojnih građana, 15. maja 2016. godine, održan je memorijalno-historijski susret „Dani bitaka za Stojčevac“. Na spomen-obilježje Stojčevac, poginulim borcima Harisu Opankoviću, Nedžaduu Granulu-Gigiju položeno je cvijeće, proučena Fatihа i odata počast i dužno poštovanje svim šehidima i poginulim borcima. Tog 15. maja 1992. godine nakon povlačenja snaga UN-a, agresor je krenuo u osvajanje Stojčevca, strateški najvažnijeg mjesta za odbranu Ilidže, Sarajeva, a i Bosne i Hercegovine. U tome su ih, nakon teških i krvavih borbi, spriječili borci 104. motorizovane brigade Armije RBiH i sačuvali ovaj strateški značajan prostor. Od tog dana svakodnevno su se vodile žestoke borbe sa agresorom za očuvanje ovih teritorija, pa je ovaj datum simbol svih tih bitaka, dan sjećanja na sve šehide i poginule borce koji su dali svoje živote za slobodu i odbranu ove teritorije i cijele Bosne i Hercegovine. Ovaj značajan datum je ujedno i godišnjica formiranja 2. motorizovanog bataljona 4. viteške motorizovane brigade i Dan mjesne zajednice Hrasnica II, koji su tradicionalno obilježeni nizom kulturno-sportskih manifestacija. Tim povodom održana je svečana akademija u Domu kulture Hrasnica i memorijalni turnir u malom nogometu „Haris i Gigi“ na kome su učestvovali učenici osnovnih škola iz Hrasnice, Sokolović Kolonije i Butmira. Doprinos u obilježavanju Dana bitaka za Stojčevac dali su i odredi izviđača „Igman 92“ i „Vrelo Bosne“ koji su organizovali sportsko-izviđačko takmičenje pod nazivom „Izviđačke majske igre“ na kojim učestvuju izviđači iz BiH i regiona. Na manifestacijama je nastupio i hor „Sabahski ezani“.



Proslavljen Dan zlatnih ljiljana

Članovi Udruženja „Zlatni ljiljan i Zlatna policijska značka“ Ilidža, 7. maja 2016. godine tradicionalnim obilaskom mezarja i druženjem obilježili su svoj dan. Dobitnici najvećih ratnih priznanja obišli su mezarja i proučili Fatihu šehidima u Butmiru, Kovačima Hrasnica i položili cvijeće ispred centralnog spomen obilježja kod zgrade Općine Ilidža i ispred obilježja u Butmiru i Hrasnici.

Zlatni ljiljani su se okupili da evociraju svoje ratne uspomene i da čuvaju od zaborava događaje za koje su najbolji sinovi BiH dali svoje živote.



Dan odbrane Ilidže 2

U organizaciji JOB-a Općine Ilidža-Unija veterana, Četvrte viteške brigade i Općine Ilidža 14. maja 2016. godine održan je tradicionalni Memorijalno-historijski susret „Odbrana Ilidže 2“. Delegacije porodica, boračkih udruženja i Općine Ilidža položile su cvijeće, proučile Fatihu i odale počast poginulima na spomen-obilježja ispred Općine. Na mjestu bitke kod Ljetne pozornice cvijeće su položili i proučili Fatihu u znak poštovanja i sjećanja na poginule, predstavnici Općine, JOB-a, delegacija Drugog motorizovanog bataljona Četvrte viteške brigade, kao i članovi porodica šehida i poginulih branitelja.

“Tog 14. maja 1992. na ovom mjestu vodila se najznačajnija bitka za odbranu ilidžanskih teritorija. Slabo naoružani borci krenuli su u bitku sa višestruko jačim neprijateljem. Osim bitke, taj 14. maj ostao je upamćen i kao događaj kada su snage UNPROFOR-a mirno ćutale i posmatrale, a to nisu smjele. Tada su pripadnici UNPROFOR-a svojim transporterom, 15. maja, poveze teško ranjene Anesa Bučana, Jagodu Galešić i Ismeta Osmanovića preko ilidžanske teritorije u bolnicu Koševo. Uprkos sporazumu o primirju između Armije BiH i Vojske RS iz transportera su izvučeni njih troje i pogubljeni, prisjeća se Šefket Dešević, predsjednik JOB-a Općine Ilidža

Sekretar JOB-a Izet Kahvić rekao je da se ove manifestacije organizuju, prije svega zbog učenika i historijskog časa koji se održava, da bi učenici čuli šta se dešavalo jer u knjigama ne mogu naučiti.

Načelnik Općine Ilidža prof. dr. Senaid Memić kazao je da prisustvo omladine na ovakvim događajima ulijeva nadu da ovi događaji neće biti zaboravljeni, ali i da se sretnu saborci i evociraju uspomene kako se srcem branila i odbranila država.

Obilježena godišnjica stradanja građana Kasindolske

U logor Kula 14. maja 1992. godine odvedeno je 38 civila iz Kasindolske ulice i predato tadašnjim vlastima Republike Srpske. Srpski agresori su ih strijeljali na Ravnoj Romaniji i naposljetku ukopali u masovnu grobnicu Visoki vrh gdje su i pronađeni. Taj dan, kada su odvedeni obilježava se kao Dan stradanja šehida Kasindolske kao i dan MZ Stup 2. Porodice ubijenih taj dan čuvaju od zaborava svake godine se okupljaju, polažu cvijeće, prouče Fatihu i poruče da njihovi najmiliji nisu zaboravljeni.

U znak sjećanja na ubijene Bošnjake u ovoj ulici kod stadiona NK Igman prema Sokolović- Koloniji posađeno je 42 jasena. Jasene su zasadili načelnik Općine Ilidža prof. dr. Senaid Memić, Nisveta Zametica, predsjednica Udruženja “Žene Kasindolske 92” i sin šehida Erović Fehe, Ekica.

Obilježen Dan pobjede nad fašizmom

Ove godine se obilježava 71. godina od završetka Drugog svjetskog rata i 66 godina od pokretanja inicijative za stvaranje današnje Evropske unije. Na današnji dan, 9. maja se obilježava Dan pobjede nad fašizmom. Tim povodom zajednička delegacija Općine Ilidža i Udruženja antifašista i boraca narodnooslobodilačkog rata Ilidža, položili su cvijeće na spomen-kosturnicu u Velikom parku na Ilidži i odali počast svim poginulim u Drugom svjetskom ratu i proteklom odbrambeno-oslobodilačkom ratu u Bosni i Hercegovini.

“Te 1945. godine fašizam je pobjeđen, a nažalost nije iskorijenjen. Danas, ni jedan političar ne poriče privlačnost EU. Niko nije protiv toga da se bolje živi. Problem je što političari i aktuelna vlast ne shvataju da put do Evrope vodi putem državnih institucija BiH kroz ispunjavanje zahtjeva postavljениh od strane EU. Zakon o zabrani fašističkih organizacija i korištenju njihovih simbola ne postoji. Naša namjera je da kroz udruženja antifašista i boraca NOR-a stvorimo jak front i otpor prema svim oblicima fašizma što će i dalje biti naš osnovni zadatak. Posebnu pažnju treba posvetiti mladim generacijama rođenim poslije 1990. kako bi oni dobili što više informacija o važnosti ovog datuma” izjavio je u svom govoru, između ostalog, Stevo Kuljanin, predsjednik Saveza antifašista i boraca NOR-a Ilidža.

Svečanosti su pored članova UAB-NOR-a prisustvovali i predstavnici boračkih udruženja općine Ilidža, političkih partija, izviđača, učenika i brojni građani.



“Ovi jaseni rast će i biti svjedok vremena. Stablo je simbol rasta, snage i harmonije. Kako budu oni rasli tako uspomene na ove ubijene neće biti izbrisane. Oni će nastaviti kroz njih da žive. Ovi nevini ljudi koji su odvedeni i zvjerski ubijeni ne smiju biti zaboravljeni, jer nisu ništa učinili niti su izašlo krivi. Općina Ilidža će uvijek ovakve i slične manifestacije podržavati jer na ovaj način njegujemo historijske tekovine, što je odraz naše kulture i osvješćenosti” izjavio je načelnik Općine Ilidža prof. dr. Senaid Memić.

“Agresorske vojne i paravojne formacije su zarobile 38 Bošnjaka, a prilikom zarobljavanja ubili su Rasima Suljevića, a ostale odveli u zloglasni logor, postupajući prema njima na krajnje nehuman način. Njihova tijela su sakrili u masovnu grobnicu Visoki vrh. Na dan mladosti mi smo ih pronašli i nakon 15 godina traganja ukopali ih 16. oktobra 2007. Ispraćeni su od svojih sugrađana, rodbine i državnika uz sve počasti kako dolikuje najboljim sinovima Bosne. I danas ih se sjećamo i sjećat ćemo ih se zauvijek. U Kasindolskoj ulici, nešto kasnije četnici su zaklali tri člana porodice Rebo, Antona, Danicu i Zrinka. Pamtimo narode, pamtimo rođeni moji, pamtimo ta ljudska nedjela da nam se nikad više ne ponove” izjavila je Nisveta Zametica, predsjednica “Žene Kasindolske 92”.



Općina Živinice dodijelila priznanje načelniku Memiću

Općina Živinice 18. maj slavi kao najznačajniji datum u svojoj historiji. Povodom ovog datuma Dana oslobođenja Općine Živinice ova općina dodijelila je najveće priznanje načelniku Općine Ilidža prof. dr. Senaidu Memiću. Priznanje je dodijeljeno za posebne zasluge i doprinos u odbrani ove općine i države BiH. Načelnik Memić je zahvalio ovoj općini na ukazanom povjerenju i časti, ističući da se država BiH može graditi samo zajedničkom saradnjom svih općina i građana.

Na taj dan prije 24. godine teritoriju općine Živinice napustile su agresorske snage JNA, a živinički borci su organizovano stali u odbranu BiH. U općini Živinice 18. maj se obilježava kao dan kada su 1992. godine nakon pregovora komande JNA i živiničkih vlasti, aerodrom u Dubravama napustili pripadnici bivše Jugoslavenske vojske. Tada su u Živinicama oformljene respektabilne vojne jedinice, zahvaljujući kojim je živinička općina ostala slobodna.



Još jedno priznanje načelniku Memiću

Udruženje "Žena Podrinja" Ilidža dodijelilo je priznanje Općinskom načelniku prof. dr. Senaidu Memiću za pomoć i podršku u radu ovog udruženja.

Priznanja i zahvalnice su dodijeljene i drugim pojedincima i organizacijama koji su u proteklom periodu doprinijeli u radu i razvoju udruženja.

"Drago mi je što je u sali puno mladih ljudi, koji su budućnost ove države i na kojima je velika odgovornost. Nemojte biti oni koji bježe od problema, suočavajte se i rješavajte ih na najbolji način svojim znanjem i hrabrošću, koje vam niko ne može oduzeti. Ponosan sam što ste prepoznali podršku koju ja od srca pružam. Moja vrata su vam uvijek otvorena i tu za vas uvijek" izjavio je, između ostalog, načelnik Memić.

Održan je i čas historije, a predavač je bio mr. Velid Šabić. Ujedno je održana i promocija knjige "Zulija" autora Bajre Perve, poema o ženama Podrinja.



Prvi školski Bazar "Tvoje je samo ono što podijeliš" u OŠ "El-Manar"

U OŠ "El-Manar" 19. maja 2016. upriličen je Prvi školski Bazar đakih rukotvorina pod motom "Tvoje je samo ono što podijeliš". Bazar je imao za cilj razvijanje

osjećaja društvene odgovornosti, radnih navika i empatije među učenicima. Novčana sredstva koja su prikupljena prodajom nakita, ukrasnih predmeta, ukusnih poslastica, kafa i osvježavajućih napitaka koje su napravili učenici, nastavnici i roditelji bit će usmjerena u humanitarne svrhe kao i opremanje sobe za odmor i opuštanje učenika.

"Još jednom smo dokazali da imamo vrijedne učenike, predane roditelje i uposlenike koji su prepoznatljiv tim koji zajednički djeluje u kontinuitetu. Hvala svim učesnicima na učešću i doprinosu" rekla je direktorica OŠ "El-Manar" Jasna Čustović.

Bazar u Četvrtoj osnovnoj školi



Četvrta osnovna škola organizovala je bazar za Dan škole koji je održan 27. maja 2016. godine u dvorištu i prostorijama škole, a u čijoj realizaciji su učestvovali učenici, roditelji, uposlenici i menadžment škole. Učenici su zajedno sa nastavnicima izložili svoje kreacije koje su radili na sekcijama tokom godine, a roditelji svoje prehrambene proizvode. Bazar je bio prodajnog karaktera. Prihod od prodaje izloženih artikala upotrijebit će se za poboljšanje uslova škole. Cilj projekta je da se učenici, nastavnici, roditelji i stanovnici naselja kroz kreativan i dobrovoljan rad druže i zabave i pomognu svojoj školi.



Četvrta gimnazija pobjednik u pružanju prve pomoći

U Bijaču je 21. maja 2016. održano 19. Federalno takmičenje ekipa u pružanju prve pomoći. Na takmičenju je učestvovalo ukupno 17 ekipa, raspoređenih u dvije kategorije i to podmladak i omladina. Takmičenje se odvijalo kroz devet poligona i to šest radnih i tri rekreativna. U kategoriji omladine, prvo mjesto osvojila je Četvrta gimnazija Ilidža. Ovom pobjedom ekipa se plasirale na državno takmičenje.



Osma osnovna škola "Amer Čenanović" pobjednik kantonalnog takmičenja

Na 20. kantonalnom takmičenju učenika osnovnih škola iz saobraćaja 21. maja 2016. godine učenici Osme osnovne škole "Amer Čenanović" osvojili su prvo mjesto.

Na takmičenju je učestvovalo 56 osnovnih škola od kojih su ekipe činila četiri učenika i to dvije djevojčice i dva dječaka u starosnoj dobi od 10 do 13 godina.

Takmičenje se sastojalo iz poznavanja saobraćajnih pravila i propisa, gdje su učenici radili 20 pitanja u obliku testa i praktičnog dijela: vožnja na poligonu spretnosti. Članovi pobjedničke ekipe Osme osnovne škole "Amer Čenanović" su: Lejla Halać, Hena Šehović, Hadi Goro i Emir Mušanović.

U konkurenciji dječaka prvo mjesto zauzeo je Hadi Goro, dok je Emir Mušanović zauzeo treće mjesto. U konkurenciji djevojčica Hena Šehović je zauzela drugo mjesto, a Lejla Halać treće mjesto. Značajno je istaknuti da ekipu Sarajevskog kantona na Državnom takmičenju čini upravo ova ekipa pod mentorstvom nastavnika Husejna Glavića.

Osma osnovna škola "Amer Čenanović" već dugi niz godina osvaja sve pehare i medalje za prvo mjesto pomenutog takmičenja, a upravo učešće i pobjede na Državnim i Evropskim takmičenjima smatraju svojim najboljim uspjehom.



Načelnik Memić upričio prijem za viceprvaka u karateu Merisa Muhovića

BiH je dobila evropskog prvaka, nakon što se srebrenom medaljom okitio Meris Muhović. Meris Muhović, Ilidžanac je član KK Champion. Tim povodom načelnik Općine Ilidža prof.dr Senaid Memić 25. maja primio je osvajača srebrne medalje na Evropskom seniorskom prvenstvu u karateu u francuskom Montpellieru Merisa Muhovića i njegovog trenera, selektora i brata Denisa i uručio mu novčanu nagradu. Prijem je bio prilika da se Muhovići zahvale Općini za svesrdnu podršku koju im kontinuirano pruža svih ovih godina i izraze nadu u dobru saradnju i ubuduće. Meris Muhović, naš srebrni karatista zahvalio se Općini Ilidža na podršci, rekavši da srebrna medalja koju je postigao u Francuskoj samo uvertira za njegov prvi nastup na Svjetskom prvenstvu, ističući nadu da će donijeti zlato. "Ponosan sam što naša Ilidža ima sportiste koji donose medalje sa evropskih i svjetskih takmičenja i oni su najbolji ambasadori. Meris je momak koji je vrijedan, smijeran, radan i sve je to na kraju rezultiralo njegovom velikom uspjehu u karateu. Svakom ulaganje u sport je ulaganje u budućnost. Naša sredstva koja mi obezbijedujemo za sportiste nisu velika ali mi je drago da smo od koristi i da ćemo uvijek pomagati mladim talentima i sa njima dijeliti sreću i uspjeh" izjavio je načelnik Memić, čestitajući Muhoviću na uspjehu. "Zadatak nam je osim što sklanjamo djecu s ulice i računara, radimo tako da im stvorimo želju za bavljenjem sportom, uspjehom, dajemo im i ljudsku i moralnu podršku, jer oni treniraju u neuslovnim prostorijama, ali postižu vrhunske rezultate. Općina Ilidža uvijek je podržavala sportiste i bez vaše podrške većina mladih ljudi ne bi bili učesnici takmičenja na svih nivoima i hvala Vam u ime KK Champion, koji ima više od 500 članova i reprezentacije" kazao je Denis Muhović, selektor koji, uz reprezentaciju, vodi i Karate klub Champion.

Izviđačke majske igre

Tradicionalno izviđačko takmičenje „Izviđačke majske igre 2016“ koje organizuje Odred izviđača „Igman 92“, a koje okuplja izviđačke organizacije sa prostora BiH i regiona održano je i ove godine 28. i 29. maja 2016. godine na Ilidži. Na dvodnevnom takmičenju koje je održano na Termalnoj rivijeri, Butmiru, Stojčevcu, Rimskom mostu i užem jezgru Ilidže učestvovali su odredi iz Zaječara, Zenice, Visokog, Vareša, Zavidovića, Nemile, Doboja, Banja Luke i Sarajeva koji su se takmičili u tradicionalnim izviđačkim disciplinama. U kategoriji starijih izviđača i planinki takmičilo se 15 ekipa, a prvo mjesto osvojila je ekipa „Zea mays“ iz Odred izviđača „Đorđe Simonović“ iz Zaječara, drugo ekipa „Dark eagles“ iz odreda Rakovica 9, a treće „Valter“ iz odreda „Safet Ribić“ iz Nemile.



Zlatna ruka proslavila osam godina postojanja

Udruženje Zlatna ruka proslavilo je osam godina svog postojanja.

Tim povodom u prostorijama Mala aleja bb. održana je izložba rukotvorina ručnih radova i nakita. Sredstva koja su prikupljanja bit će namjenjena za humanitarne svrhe.

Predsjednica Udruženja Zlata Dizdarević je zahvalila svim donatorima koji im pomažu u radu i to firmama Freš, Ilidžanka, Hotel Bosna a posebnu zahvalnost načelniku Općine Ilidža prof. dr. Senaidu Memiću.



“Mlade nade” pobjednik turnira

U organizaciji JUKSR Hrasnica- Ilidža i ŠF “Fair play”, 22. maja 2016 godine održan je cjelodnevni malonogometni turnir za godišta 2009 - 2010. Učešće je uzelo 12. ekipa sa područja Kantona Sarajevo. Pobjednik turnira je ŠF “Mlade nade”, drugo mjesto ŠF “Valter” dok je treće mjesto osvojila ekipa ŠF “Sporting”. Uz dobru posjećenost kroz turnir je prodefilovalo preko 120 mladih, talentovanih učesnika.

Prijateljski šahovski susret

U Bijeljini je održan prijateljski šahovski susret između Šahovskog kluba “Igman” Ilidža i Šahovskog kluba “Svetozar Gligorić” Bijeljina. Nakon održanog prijateljskog susreta pobijedio je Šahovski klub “Igman” Ilidža sa rezultatom 4:2. U Bijeljini je u ime šahovskog kluba “Igman” Ilidža išlo osam igrača. Pojedinačni pobjednik bio je Faruk Tahirović, član Šahovskog kluba “Igman” Ilidža.



“Tour de Igman”

Dolazak toplijeg vremena prava je prilika za vožnju biciklom na olimpijsku planinu Igman, a Biciklistički klub Trek team Sarajevo 28. maja je organizovao četvrtu rekreativnu turu “Tour de Igman” na kojoj im se pridružilo mnogo kolega iz cijele BiH.

“Četvrti put se okupljamo s ciljem promocije olimpijske planine, zdravog načina života, turističkih potencijala Igmana, sportskih potencijala i naravno zdravstvenih, s obzirom da Igman ima najviše ozona. Imamo više od 300 prijavljenih učesnika koji će voziti sa nama, od čega desetak klubova iz drugih gradova. S nama je ekipa od šest ljudi iz Bratunca”, izjavio je Senad Bečković, predsjednik Trek teama.

Biciklisti su na put od oko 30 kilometara krenuli u 10 sati iz Velikog parka, preko Velike aleje, Jasika, Osmica, Lasičkog stana, raskršća kod ratne džamije, pa preko Mrazišta i cilj im je stići do Velikog polja na Igmanu. Tura je srednje težine i vozi se makadamskim putem.

Projektom se povezuju bitna historijska mjesta na Ilidži i Igmanu te istovremeno promoviše ekologija i zdravlje kroz sport, ali i biciklizam. Ovaj projekat realizovan je zajedno sa Općinom Ilidža ali i uz partnere Guma M, Vispak, Sprind, Sarajevski Kiseljak i Menprom.



Proslavljen zajednički Dan osnovnih škola

Zadnjeg petka u maju, već tradicionalno obilježava se i proslavlja zajednički dan osnovnih škola. U Multimedijalnom centru Ilidža 27. maja 2016. godine proslavljen je „Dan osnovnih škola općine Ilidža“. Sa nastavnim osobljem učenici 11 osnovnih škola upriličili su prigodan program. Dječija pjesma, ples, smijeh odzvanjali su prepunom salom bivšeg kina „Igman“. Učenici su svoje škole predstavili tačkama iz glume, plesa, recitacije i narodnih igara, a onima koji su ostvarili zapažene rezultate na različitim takmičenjima Općina je pripremila i novčane nagrade.

Damir Nuhanović, predstavnik Općine Ilidža kazao nam je da je načelnik Općine Ilidža, prof. dr. Senaid Memić i ove godine želio nagraditi učenike, koji su na kantonalnom, federalnom i državnom nivou dostojanstveno predstavljali općinu i osvajali medalje. „Podijelili smo ukupno 51 novčanu nagradu za šta je izdvojeno 4.000 maraka“ dodao je Nuhanović.

Jedna od nagrađenih je i učenica osmog razreda Pete osnovne škole Ada Konjicija, koja je osvojila prvo mjesto na Državnom takmičenju za dokumentarni film.

